

Neprijateljski napad na selo
Tramošnju" iz pravca Bronzani
Majdan.

1943 god
CVO JE BIL POČETKOM SEPTEMBRA

Samarđić (Dragoljba) Milan rođen 1923 godine u selu Tramošnji
borac od 1941. godine. Sada nastanjen u Zaječaru, Srbija,

I Z J A V I

"Bilo je to početkom mjeseca septembra 1943 godine kada je neprijatelj sa jakim snagama udrario na snage trinaesre krajiške brigade koja je bila na položaju u selu Tramošnji. Neprijatelj udružen i to: nijemci ustaše i četnici, očito hteo se je da revanžira i osveti za naše uspehe jer je tih dana bilo likvidirano neprijateljsko uporište Vrhpolje.

Neprijatelj je udrario sa pravca od Bronzanog Majdana i udrario na II. bataljon 13 kraj. brigade tako da je položaj bio na Beregenici-Dejanović. Neprijateljska avijacija je stalno kružila iznad naših položaja koji su bili bombardovani, tako da su se snage drugog bataljona morale povući u pravcu Kozice. Od jakog neprijateljskog bombardovanja i to po kućama seoskim, bila je oštećena kućalovana Gogića u kojoj je bio smjestiti i štab drugog bataljona, i pukim slučajem nije bilo nikakvih žrtava i ako se je nalazilo u kući i komandno osoblje bataljona. Kasnije smo saznali da je neprijatelju dao tačne podatke, gde se nalaze naše snage i sam štab bataljona, Ostoja Samarđić i Zora Samarđić koji su bili u vezi sa neprijateljem. U izdaji poslužio je i Tije Barić koji je bio jeinom zarobit od naših snaga pa je bio pustit na slobodu a kasnije je ustanovljeno da je bio ustaša.

Kako je gore navedeno neprijatelj je upao u sela oko nola dana uz pomoć avijacije, te je počeo da pljačka po kućama. Naše snage koje su se grupisale na Beregenici, očekale su neprijatelja te su ga prisilile na odstupanje. U ovom okršaju, na Beregenici bio je ubijen četnik Robaš Marko rodom iz Kljevaca, koje je prevođio neprijateljsku kolonu u napad.

U ovoj borbi ubijeno je i ranjeno oko 50 nijemaca, zarobito devet rusa koji su kasnije ostali borci naše brigade.

Poginulo je nekoliko boraca iz naših jedinica a bilo je i ranjenih među kojima je bio ranjen komandir druge čete Milan Macan i komesar trećeg bataljona.

Istakli su se u ovoj borbi Antonija Ivić komesar bataljona koji ide naprijed pred bataljonom i zarobljava sedam neprijateljskih vojnika (Rusa), puškomitreljezac trećeg čete koji ubija neprijateljskog pukovnika i u isto vrijeme gine. Kasap Pero komandant bataljona koji skida cipele, nečujno dolazi blizu do njemačkog puško-mitreljesca baca na njega ručnu bombu i time ga likvidira i zarobljava puško-mitreljez i tako svojim načelom omogućava napredovanje našim snagama koje gone neprijatelja do njihovih polaznih položaja. Ovde su se istakli i ovi borci: Vlado Stojičić, Mile Dardić, Nikola Gogić i drugi.

Prigodom povlačenja neprijatelja on je bio prisiljen da ostavi iza sebe oružja a naročito je ostavio dosta sanduka municije, koje su seljaci sakupili i predali našoj jedinici. U prikupljanju ovog materijala naročito se je istakao Nenaš Ilić

(Samarđić Milan)

.....
.....

Da je prednju izjavu dao i svojeručno je potpisao
Samaržić Milan,



TVRDI:
Milan Jese